

有正味齋詞集

有正味齋詞集卷六目錄

錢塘 吳錫麒 聖徵

三影亭寫生譜中

沁園春

夢華錄載都人至除夜以酒糟塗竈門之上謂之醉司命暝書亭集中有醉司命辭余譜此闕

前調

京師上元以泥塗鬼判盡空其竈燃火于中光彩四射謂之火判近人多有詠之者

前調

牀婆子

前調

不倒翁

念奴嬌

金李用章有端晴婦詩云卷袖褰裳手持帚挂向陰空便招手今俗于久雨後翦紙爲婦人手持一帚懸之簷下用以驅晴謂之掃晴娘是其遺也

齊天樂

八月十五夜都下人家皆祀鬼兒神雪藕冰瓜月波燈色令人如在瑤世界因邀張瘦銅同賦此詞以當樂神之曲

三姝媚

縫窮婦

臺城路

始蘇道中賦得源婦曉粧彼作鏡

沁園春

額

前調

鼻

前調

耳

前調

齒

前調

肩

前調

臂

前調

掌

前調

乳

前調

臍

前調

腸

前調

背

前調

膝

前調愁

前調夢

前調立

前調睡

金蕉葉

滄州道中同年周卿谷州收餉滄河

天香

花柳

梅子黃時雨

蠶豆

尾犯

筍

摸魚兒

菱荷

玲瓏玉

燕俗六月六日以藕苗爲菰餠客燕史謂之銀苗菜

摸魚兒

蓴

前調

蓰

前調

詞

湘江靜

舟行小港中兩岸青蘆彌望蕭寥無人水風間作槭槭然如聞秋聲也

水龍吟

秋蘆

一枝春

和李味莊觀察

惜紅衣

咏薑

鎖窗寒

綠陰

聲聲慢

紅葉和那繹堂

山亭宴

舟中賦黃葉

無悶

柳意

惜餘春慢

柳線

柳色黃

秋柳

玲瓏四犯

觀音柳

疎影

芭蕉

齊天樂

菩薩索

有正味齋詞集卷六

錢塘 吳錫麒 聖徵

三影亭寫生譜中

沁園春

夢華錄載都人至除夜以酒糟塗竈門之上謂之醉司
命曝書亭集中有醉司命辭余譜此闕

爆竹喧空倒珮欹冠朝天去遲甚餽簫喚賣膠牙未已椒杯告
醉軟脚無辭樺燭花明粃盆火旺絃語丁丁送有詞攬扶好要
先求利市來錫茅茨 靈旗緩盪寒颼正嬌女銅童簇擁時看
迷離雲路神其醉止膏騰帝所臣復中之煬謝無能媚思何益
但願糟邱分一卮觚邊踞道詩須聽我跨亦憑兒

又

京師上元以泥塗鬼判盡空其竅燃火於中光彩四射
謂之火判近人多有詠之者

蠶爾獐顏也借光明逞大神通漸呿張一口紅霞嚼爛搜牢衆
竅赤舌燒空透頂蓬蓬熱中焰焰炙手今番意獨雄能火速甚
五花判事有此威風 形容黃胖差同道此腹膨亨不負公倘
延爲上客何妨額爛用吾下策直欲心攻變相圖開燄摩天在
莫是劉鑿塑出工休相笑只與君頭惱一樣冬烘

白獺髓迎春黃胖
起于涌金門杏花

園游人多取黃
土捏爲人形爾

又

牀婆子

曲象橫施誰司寢興三瓊須澆想婆名春夢膏騰許伴娘呼夜
度邂逅曾遭魂約鴛鴦身爲蝴蝶指點迷途仗汝勞文催撰怕

葫蘆換了依樣難描 招要蜜炬高燒早閨裏迎神羯鼓敲爲
思神嗜好錫香果軟酬神笑語雪艷花嬌帳底雲行枕邊月落
聽賦橫陳記那宵還私禱禱阿侯睡穩莫厭叨叨

又

不倒翁

莫笑龍鍾顛而不扶蹶然自興任幾番壓捺出頭須放十分挫
拗強項偏能老子婆娑是翁豐鑠隨意盤旋走不脛如人柳也
三眠三起態度盈盈 掀騰與世何爭訝封得泥丸抵死撐便
空空此腹儘多消納團團對面故學逢迎何處難眠有時作劇
拚得浮生紙樣輕驚一跌早虛空粉碎蛻去枯形

念奴嬌

金李用章有埽晴婦詩云卷袖褰裳手持帚挂向陰空

便有詩齊集卷五
便招手今俗于久雨後剪紙爲婦人手持一帚懸之簷
下用以祈晴謂之掃晴娘是其遺也

苔黏屐敗甚淫淫有此荒唐雲雨要仗擔承箕帚力暗把龍公
攔住淨捲塵霾全驅霧陣報喜先鐘鼓披衣玉女一眉遙黛應
妬偏是血色裙拖飄揚簷底疑送秋千去半晌柔荑裁翦出
爲怕踏青期誤風鐸爭邀晴絲乍罥候到斜陽暮明燈新歲紫
姑須共占汝

月令廣義吳俗謂正月百草俱靈故於燈時備諸祠
卜之戲帚姑則徹帚繫裙以下至則能起臥以占事

齊天樂

八月十五夜都下人家皆祀兔兒神雪藕冰瓜月波燈
色令人如在瓊瑤世界因邀張瘦銅

填

同賦此詞以當

樂神之曲

大圓鏡裏游仙去年年窟雲頻換毛穎功名中山氏族莫笑衣

冠裝點燈前瞥見似斜向闌干悄窺人轉半晌迷離目成還在
玉樓畔殷勤誰共禮拜道兒童塗抹都竊柔翰老不中書歸
無東郭賴有么蟾能伴跋跋走慣定穴鼻先通一輪香滿藥杵
重聽送回涼夢遠

三姝媚

縫窮婦

塵凝雙髻悄漸西風騷騷沿街來早也費裁縫道一般針線莫
嫌潦草十指玲瓏曾小市琵琶彈好憔悴而今天吳紫鳳眼迷
顛倒如此生涯堪笑但聽說明朝送窮應惱土銼糠燈料破
羶滋味不輸多少百結愁心偏舊夢牛衣人老漫想紅樓刀尺
鴛衾製巧

臺城路

姑蘇道中賦得漁婦曉粧波作鏡

開奩新淬青銅皎何人睂眸偷注轡軟凌波裙低接草倒浸一
花能語鱗紋曉聚要羽取柔藍悄添眉嫵照出盈盈者般瘦樣
最憐汝 不爭時世梳裏只苗香髻子斜綰鴉縷若帶紫青蕤
絲漾碧錯認誰遺釵股空明似許問綢結千絲幾時拋住悔被
菱雲暗流春影去

沁園春

額

山意窺奩一抹嬌黃斜陽最宜念廣眉學譜半籠月影雙了未
綰全覆雲絲紈扇微遮晶屏易觸緊護貂茸冷不知粧成好愛
紅綿低襯新裏頭時 靨靨兩角靈犀甚尺宅居然要粉題記
嬌兒點處曾調朱水宮神呼到待扣青霓蟬小承綏梅輕墜瓣

描畫休教粉墨迷相思遠看幾痕低蹙怕誤春期

荆楚歲時紀八月十四日民並以朱

水點兒頭額謂之天灸李賀詩青霓扣額呼宮神

又

鼻

嚙嚙誰知蘭氣潛通氤氲遠聞聽息調半晌靜將時驗聲飛兩
樣清與喉分麝粉先堆袖羅慣擁鏡裏端詳分外親眉新畫早
黛螺橫埽暈入山根通神喚汝心門甚斷處難防巧運斤只
天香參到幽禪可證花枝顛去纖手煩輪拭汗開巾藏羞掩扇
圖畫鈎成半面春隣家話但歸來頻嚏定說前因

一聲兩歌人疑其一聲在鼻

又

耳

一縷靈通陡觸心頭含聰可誇儘聽來鸝唱不煩鍼砭教成琴
曲盡洗箏琶蟬鬢籠雲鳳釵倚月阿母跟前軟語加明璫綴認
天穿節過翠珥添些窗紗夢醒啼鴉正淺暈香輪枕印斜愛
青衣解意附時叮囑銀簪了事側處梳爬捻粉微勻垂貂小護
便隔紅牆不怕遮春風悄只小亭私就剡鞵防他

又

齒

小破胭脂相對粲然文犀不如憶漢宮卅六會誇賦口吳姬二
八慣溜歌珠淨罷楊枝漱來花水學誦金經屢叩餘含毫久任
墨痕涼沁偷學郎書吹噓蘭氣來徐道活斲新巢玉定輪愛
笑時偏齟做成嫵媚病中微嚙畫出清癯纖指輪銜香絨爛嚼
伶俐生來孰似渠梅酸濺怕十分軟却春色都輸

唐黃滔漢宮人誦
洞簫賦三十六

宮之牙齒詎敢泰娥輟耕錄馮子振有題楊妃病齒
圖歌清吳錄婁師德善捧腹大笑人謂之齒牙春色

又

肩

賦罷洛神彼美堪憐生來總垂看輕雲裁就儘遮領下柔絲披
著纔是雛時紅雨花交綠烟柳顰削就天然瘦影齊顰相比笑
回頭剛近不用量伊芳期春已先知漸杏子衫單栗起微到
秋千立上出墻偏半流蘇承得顧鏡微羞小側穿簾輕凭上閣
姊妹相呼左右隨吟郎句戲學他山字半晌還欹

又

臂

比玉分酥裹疊吳羅欲見偏慳問甚時瘦了微鬆條脫幾分倦
後斜靠欄干撾鼓揎餘踏歌聯去月瀉清輝訝一般鈴香印歎

綢繆何日紅字都殘 無端割也盟難恁綵索翻能繫合歡每
鴛鴦衾裏枕來常軟琵琶絃上倚處先彎無語空支多情試捉
雪藕玲瓏兩袖間裁文錦只遮將一半慣忍春寒

又

掌

一片雲腴鉛露曾沾羅紋細生愛畱仙裙縐舞時難定走盤珠
活握處常明小拓弓彎背番蓮樣便是黃金鑄不成龕燈畔看
合來無縫學誦真經 闌橫拍徧誰聽怕反覆如郎最不平恰
停針無語幾回接到藏闌偶中一面攤呈教字頻書揉花易碎
帳裏香蚊擘有聲調粧粉要緊窩麝水不潤微馨

背番蓮掌
舞天廐

又

乳

隱映蘭胸到破瓜時靈津暗催甚酥峰兩點偏教當面嬌嬰幾
日便解投懷迸粉成珠凝脂作葯剝出雞頭殼裏胎輕羅抹認
巫山對擘橫度雲來 綳纔半晌還偃道乞向鄰孃口已開笑
舊時藥裏瓊田曾賣者番泉脉玉寶先回畫檻平齊檀槽半隱
簾上橫陳雪欲堆春塵起記爲郎洗眼幾度曾指

俗生兒至週日始
試乳謂之開口斷

乳則呼
爲賣田

又

膽

一點凝寒鏡裏高懸窺時最明縱鎮來綵索易生嬌顫喚回殘
夢未了餘驚因怯常虛併愁成苦碎到心頭鉛淚傾燒香拜儘
深深瀝得纔表真盟 偏爭要共秋清蕩脉脉中池水一泓怕

虛亭私就花鈴陡觸空房獨自雨枕難聽畫板承趺危樓點屐
伴起先人身屢停生來小只詩邊酒次約畧縱橫高啟詠絲索釵符詩從今能鎮膽不怯臥空房淚出千膽見雲笈七籤黃庭經膽名中池又膽者金之精水之氣其色青

又

腸

團扇歌來無限彎環含無限愁悵兩頭相結山都閒水九回猶
剩春亦成秋泥酒光陰阻風滋味欲斷還連情未休人千里歎
塵廬頻轉一寸難酬悠悠常抱溫柔更轉轅偷將詩緒搜漸
化爲冰雪藕絲徐引織成錦繡繭緒圓抽吟和鶯歡淚隨猿苦
木石吳兒解得不黃昏近算除教三瓊怎沃煩憂李白詩行將泣團扇戚戚愁人腸轉

又斷腸滋味阻風時

又

背

嬈嬈婷婷當面窺餘翩然轉身向樓心拜月俯時恰照簾旌曝
日烘處先春人後猜人鏡中看鏡形影端詳認早真嗔生客但
花間迴避恁躡芳塵 逡巡陌上游頻乍汗濕紅衫透舊痕最
香綳負穩嬌兒偏慣玉纖捶細小妹先輪癢卽須抓冷誰與擁
一片涼紋楚簾親情難訴只欠伸畫裏免賦懷人

周昉有背面
欠伸美人圖

又

膝

輪相圓成藕覆低連偏宜促時愛盤龍新樣屈來金襯鬪雞舊
製蔽處花吹擁卽成吟支教作枕曉夢多情未肯離苔階步便
防他易軟要索扶持 柔荑過否誰知只舞後頻看大小垂記
依牀曲局參禪孤坐和裙折疊拜月雙低半晌橫琴有時磕馬

骨立珊珊一對齊閒中好把佳兒抱置爲畫纖眉

溫庭筠詩曉夢未離金夾勝

又

愁

乍減歡容鎮日無言含情欲啼念鞦韆塵淺淺何時埋得酒腸窄
窄特地澆時心小能容眉纖慣惹幾度橫陳覓睡遲晉騰裏又
牡丹開了擔誤芳期追思南浦分離悵魚信銷沉兩莫知算
量來萬斛恰如江水織成千縷不減楊絲晚雨簾櫳夕陽樓角
半是柔情半是癡芳名好待石城西下艇子畱伊

又

夢

曲院無人款款飛時羅衾正溫任連環不斷月迷歸步秋千有
約花引柔魂帆遠會隨屏深慣度懊惱金釵墮枕根郎何處正

滿階如水獨自開門 逡巡難問前因似空際春風捲絮痕但
醒猶心苦未乾紅淚記還膽怯怕近黃昏認雨疑雲看朱成碧
蝴蝶分明是小身梅開也漫妬伊綈袂覓到前村

山谷詩昨宵連環
夢放翁詩巷陌秋

又

立

閃過斜陽獨自窗前無言暗窺甚青苔冷印擡身偏懶明蟾側
注迴步翻遲拚到酸時不禁軟處扶住楊枝有所思東風起早
落花如雪沒了鞋兒 迷離半晌如癡豈真箇看雲鎮不移料
鴛鴦密約比肩湊汝鸞鸞偷學一足翹伊曲录欄斜秋千板窄
約畧春纖小露時游仙夢怕證來金格長侍瑤池

又

睡

三十種眠一樣膏騰偏宜箇人看
偎從角枕斜欹釵玉帖來晶
簾濃隨鬢雲眠倦低迷眉慵小
歛醉頰濃酣斗帳春無端誤已
遼東夢醒鶯語堪噀擡身略撥
餘熏怎消息頻傳又欠伸只
離愁萬縷惹伊反側沉香八尺
稱汝橫陳
鴝子偷窺鸚哥罷喚
雪壓環肥畫出眞論滋味也黑
甜鄉好有此溫磨

金焦葉

滄州道中同年周薌谷州牧

世榮

餉滄酒

蘆臺去路東風緊吹帆外斜陽將
隱故務千年落花飛處蘆難
認越地晚寒恁忍雙餅忽送糟
邱信待紅圻凍泥新印最宜
名說東陽瘦得詩腰俊好配荻
苗蘆笋

滄酒有特酒菊酒東陽酒諸名見天津志

天香

花糖

檀栗吹塵犀株灑雪餘芳亂撲晴晝露染鉛黃霜勻紺碧一杵
廣寒聽後花飛釧動更惹起香生羅袖曾記紅簫喚賣相思杏
團人瘦 氤氲貯來偏久愛團圓印成纖手舌本徐參悟到木
犀禪否莫是涼蜂採了只一種秋糧釀先就帕裏分甘誤拋金
豆

梅子黃時雨

蠶豆

麥候秋清正涼雨一肩新綠先賣記隔隴花開雪痕烟外纔近
三眠忙未了須添小食朝來採盈筐載萬顆碧珠梅豆差配
堪愛都含翠黛趁風爐火活炊共巢菜問煮繭餘香幾分猶在
減盡桑陰殘莢老夕陽重約秋棚話踈籬挂冶蛾依舊如畫

扁豆

一名蛾眉豆

尾犯

筍

餘花晚徑問烏衣來否翠尖新迸暗泥掀破今番占斷閒園盈
頭禁人踏去早屐響籬根靜認天寒翠袖籠時嫩紅偏肖纖影
節物旋過燒茗配櫻厨味較勝早食卑催點酒地先煨肯遲
幽興試到深山聽只幾日籜敲烟暝甕夕照老盡孫枝晚鞭挑
向霜冷

摸魚兒

蕩蒿

趁春江桃花水軟幾莖柔白催長詩家解說羹魚美恰好河豚
新上縈細浪愛瘦節勻圓小借琅玕樣荒波寄賞共荻筍纖鬆

純絲滑忽風味配村釀 西風憶最喜平田如掌尋烟蘆子來
往翹翹葉颭秋陰外吹火柁樓曾傍新綠漲又嫩淪吳酸要待
騷人餉春梓薦爽正飛絮飛花一肩市口冷雨打簑響

玲瓏玉

燕俗六月六日以藕苗爲菹餉客燕史謂之銀苗菜

單舸移波鏡奩裏憶采芙蓉酥消玉腕瘦餘尙剩春葱荇帶牽
來細認共清堆冷碧柔纖紅玲瓏知花間蓮信早通也配
酸鹹味好惹鱸鄉前夢純菜差同髻已如絲恁銀絲未老西風
何須冰瓜相對早筵上涼情泛酒小折秋筍怨昨夜覓同心全
未識儂

摸魚兒

蓴

滿鷗波罩烟拖雨涼絲平織千頃春洲不是西風怨歸夢早圓
菱鏡撐短艇試宛轉牽來滑比么荷勝參差髣髴乍窺到潭心
生香不斷一碧澹相映 調羹好幾匙酥融玉凝吳鹽配就清
冷柁樓纖手垂虹路俊味酒邊重省牽舊恨只萬丈相思助汝
鱸魚興斜陽送暝漸蓼岸紅時蘆碕白處釵股認誰贖

又

菱

啟晴奩鏡波圓滿搖花低淬鉛水斜陽幾棹鴛鴦外能稱采香
人意羅襪底怕瘦入西風角褪胭脂細清歌又起看月軟烟平
一繩橫界打槩露華裏 湖濱好相見呼伊藕弟嘗來微沁冰
齒分堆小剝青蠶雪歸夢六橋曾記重九矣好半折魚租半佐
茱萸醉涼雲蹙碎漸股老蟾蜍葉銷蝴蝶損了故灣翠

又

芙蓉

颭西風釵莖小立一羣烟筏來處年時港口和菱種生就紫盤
擎露花可數記薄煖低烘開遍斜陽路芳洲又暮伴大芋高荷
團團縹綠萬葉閒涼雨蓮歌罷采采兒童隔浦歸來盈斗堪
煮青吭漸少菰蒲寂夢穩者時鷗鷺驚女妬算多少真珠緊蹙
羅囊護秋燈酒戶乍斜出勻圓宮黃新褪點點認酥乳

湘江靜

舟行小港中兩岸青蘆彌望蕭寥無人水風間作槭槭
然如聞秋聲也

十里踈青搖淺渚聽梢梢欲生風雨纔抽晚筍徐翻響葉問伊
人何處際曉露華濃添篷戶者番涼聚分明記得鷗邊鷺邊曾

相約共烟語 夢易醒船又去寄相思幾時折取蕭閒水外欵
斜畫裏早離愁畱住渾未著秋花偏空際飛來秋句新詩許換
遲他月底破糝絮被

水龍吟

秋蘆

夕陽又落江湖蕭蕭影壓沙鷗重短篷小泊一簪飛雪惱人愁
共港窄全交橋欵不斷舊和烟種漸搖涼纖暝雁飛纔下漁燈
外枝微動 渡口歸潮暗湧攪秋痕水風低弄波荒月冷笳聲
初歇笛聲徐送折後梢低瘦餘葉脆但聞淒諷待涼花采了青
羅被底結鱸鄉夢

一枝春

菜花和李味莊觀察

延敬

接隴連村弄輝輝一路好春相引鷺兒蛻後便帶酒邊衫暈柔
陰半掩更芳草半添青襯憑坐我田水聲中畫榼四圍香近
還看柳綿成陣歎韶光倏忽桃花紅盡游蜂鬧晚待補者番風
信袈裟舊影問曾否給孤重認愁故苑攬入斜陽是金是粉
惜紅衣

詠薑

畫裏移家吟邊坐雨病花曾賞一稜苗肥筠簾恰低障秋風蜀
道能幾度游仙來往回想烏菱紫芋聽同敲吳榜爬沙鱗上
良醞招邀山厨擣微響雛姬笑覩怎忍擘紅掌付與凍糟香漉
待化辣雲相餉甚指尖齊斂疑對柳家新樣

鎖窗寒

綠陰

淺壓山腰深籠巷尾碧陰千樹濛濛密密香牋幾花明處映蒼
苔餘寒未休隔簾又釀江南雨甚滿身冷翠低鬟微鞦摘梅簪
去 延佇聽蟬語縱未到斜陽已成淒楚殘紅換了早是薰風
庭宇認江邊烟耶水耶誤人望眼雲又暮問遮將一徑春歸恁
禁秋來路

聲聲慢

紅葉和那繹堂

彥成

一番醉夢幾日濃妝新從竹外班班便無花分經秋也作花寒
尋芳已消舊恨放飛來蝴蝶都閒丹青意只半峰斜照剩寫屏
顏 有客停車愛看愛紅于二月霜水初乾碎翦臙脂西風纔
是艱難新詩漫題十字早根邊蛩語吟殘飄零易待明年重擁
綠囊

山亭宴

舟中賦黃葉

酒人老去江波冷，徧林亭都消深翠。山額任勻塗，只畧剩冶眉。
細細歸鴉來認寺門，秋畫一片板橋詩意。昨夜灑新霜，瀉不盡
銅盤淚。打頭幾葉西風裏，共踈花鬢邊爭麗。偏到最濃時，淡
了斜陽十里天涯。容易感飄零，枉自戀青苔情味。好伴著書身，
只小門深閉。

無悶

柳意

踈不關秋攬，碧暈黃纔寫濛濛。幾處想未到，清明綰愁難住。已
被先偷冷眼，看遍了章臺人來去。晚寒陌上鵝兒淺，蛻半和烟
雨。回顧舊時樹，只一片銷凝，帶春情緒。映草色遙看，有無頻

誤應是三眠未醒正夢入斜陽花邊路向鏡中低照香蛾大半
歛時無語

惜餘春慢

柳線

宛轉拖青惺忪縈綠低處欲侵芳草風痕翦翦雨意縹縹拋過
一梭鶯小回念消寒舊時刺繡光陰者般斜照只撩人春色相
思十丈畫橋遮了無奈是攀折年年替伊離別金縷壓殘多
少和烟紡絮帶暝搓絲愁把冶蛾催老爭得長亭短亭花樣新
翻碧圍紅繞趁吳秧千頃涼針簇簇僧衣縫曉

柳色黃

秋柳

減碧攬黃啼罷晚蟬涼雨初霽斜陽暗逗林梢幾筆白門秋意

山長水遠漸見十二樓頭依稀颺出青旗字誰料結同心有而今憔悴休擬停船古渡繫馬危堤拄笏荒寺老盡絲絲只在一絲風裏烟寒月冷認取無數清愁分明攔入眉峰底聽一曲烏棲把離魂喚起

玲瓏四犯

觀音柳

吹出東風記白下門前烟樹曾數浣濯新姿侵曉尙含香露憑仗一縷慈心要綰結萬千情緒暮影邊擲過金梭還認故山鸚鵡自從飛絮沾泥住悔當時綺懷無據斜陽古寺蕭疎甚誰畫文殊眉嫵重乞陌上清陰好借行人遮護聽傲傲搖浪涼雨外潮音度

疎影

芭蕉

遮晴弄雨放幾莖大葉濃綠當戶簾影深沉未到黃昏暗逗秋
心如許流螢去照池塘外怕屢被扇羅兜住任月陰低覆欄杆
有約那人私語偏是緘愁最苦歎題成字字難寫孤緒夢醒
單衾香冷燈殘只雜涼蛩交訴西風身世纔禁得早又要冬心
將護賸矮牆一角離披可認雪來時否

齊天樂

菩薩紫

已拚身世如枯葉涼蟬蛻餘堪悟非霧非花卽空卽色只向白
毫分取絲難罣汝任明月穿來了無尋處證到華嚴梵天衣共
五銖數方空休更比擬便鮫綃織就徒費龍女咒字玲瓏冰
文細碎吹透曼陀花雨通明似許儘坐我思惟本來無樹壞色

因緣半肩堯付與

有正味齋詞集卷六

有正味齋詞集卷七目錄

錢塘 吳錫麒 聖徵

三影亭寫生譜下

賀新郎

松山觀梅

鬲溪梅令

謝陳師竹贈紅梅花

東風第一枝

落梅

浣溪紗

題藍真畫梅

憶瑤姬

水仙

長相思

王春波仿鳥目山人梨花烟圖查蘭圃同年屬題

埽花遊

開水見小桃一枝妍媚可念

過秦樓

姚春漪賦玫瑰花詩和者甚衆彙而題之曰紫香吟卷余述此調

水龍吟

杜鵑花

憶故人

湖上觀荷

雨中花

澄懷園雨中觀荷

水龍吟

白蓮

臨江仙

紅橋道中賦枯荷

滿江紅

荷錢

沁園春

碧筒

簇水

菱花

水龍吟

潭蘆

賣花聲

題羅雨峯仿馬湘蘭畫荷

水龍吟

珠蘭

國香慢

紅蕙爲裳綬階賦

秋霽

牽牛花

思佳客

湖上看桂

念奴嬌

庭桂方盛冷雨連宵黃雪霏霏零落可念

疎影

都下菊花以憫忠寺爲勝余購得數十本雜置几案間依燈就月光景徘徊詞以賞之

浣溪紗

湖上看芙蓉

花心動

蠟梅

一枝春

野花和味莊

臺城路

花魂四首次汪劍潭韻

長亭怨慢

寒鴉

解連環

孤雁

逍遙樂

鵝

百字令

鴨

臺城路

駱駝

雪獅兒

臘書亭集中有雪獅兒貓詞三闕益和華亭錢藻勸作也吾杭樊榭尺
鳬兩先生相繼有咏其嬌態也富矣暇日戲仿其體復成四章凡諸家
所有不引焉

齊天樂

蟬

綺羅香

螢

齊天樂

蛙

蝶戀花

桂未谷屬題兩峯畫蝶

花心動

蜻蜓

齊天樂

蟋蟀

前調

絡緯

桂枝香

銀魚

前調

蟹

惜黃花

看燈蟹

桂枝香

蛤蜊

有正味齋詞集卷七

錢塘 吳錫麒 聖徵

三影亭寫生譜下

賀新郎

孤山觀梅

破雪今年早忍清寒棱棱健骨插來晴昊日落蒼苔渾似水容
我闌干獨靠便影暗香疎都好老鶴夢回雲乍起現空亭四面
花園繞花缺處一峯峭 幾生問汝修纔到更修到者家眷屬
故山偕老明月滿空瑤珮舞贏得先生一笑喜不奏茂陵遺稿
數遍西湖三十里只此花此客千秋少尊可薦白蘋毛

鬲溪梅令

謝陳師竹

寔孫

贈紅梅花

數椒暖破絳砂勻寄殷勤定是銷寒圖裏染來眞隴頭無此春
影橫斗帳又黃昏暗香溫夢到羅浮山下記前身月斜眠酒
人

東風第一枝

落梅

驛館春深鈴齋客老玉烟吹墜亭圃問誰壓笛江城喚起薄陰
萬樹游仙夢醒早一縷冰魂飛去最惱人枝上青禽猶對晚蟾
孤語閒指點瘦痕橫處渾不似畫橋前度臘教瓊珮歸來只
是伴人醉舞妝銷半面料粉碎香瘢難補待借他葉底微酸寫
入雨簾新句

浣溪紗

題藍瑛畫梅

古社何人訪斷碑燈前重此見橫枝分明粉本馬和之 賸許
瘦金描舊格欠教白石寫新詞相思風雪段橋時

憶瑤姬

水仙

花也如仙在湘雲夢裏楚月簾前已和春共瘦更瘦餘香影別
樣娟娟分排碧薤小破珠蓮對一枝可憐漸酒燈催上梅花外
畱伴殘年 道解珮未遠江邊恁招魂無語孤負吟箋王孫今
老矣歎白描高格回首風烟晚來虛倚十三絃漸天空雪冷客
去也腸斷魚波渺渺間

長相思

王春波

仿鳥目山人梨花烟圃查蘭圃同年 堂屬題

雲一枝雪一枝憶殺東闌寒食時月來人不知 醒也迷夢也

迷酒暈纔消花又飛
畫成春滿衣

掃花遊

隔水見小桃一枝妍媚可念

恨難銷處甚脈脈無言夕陽流水峭寒未已悵仙源隔斷小門
深閉畫出燕支只在秋千影裏惹愁起待愁到減時那減紅淚
前度闌更倚念立共鬢齊箇人千里染成鳳紙向烟波杳渺
尺書曾寄漲滿春潮獨有歸來燕子憶花未剩天涯斷霞魚尾
過秦樓

姚春漪賦玫瑰花詩和者甚衆彙而顏之曰紫香吟卷

余述此調

花市分嬌馬塍移艷冉冉莫嫌開晚催殘小夢喚破餘寒賣向
玉人樓畔剛是曉雨收時芳信年年夾衣新換待鬢絲攏罷甜

香一撲蝶魂應戀
消受得俊侶閒吟
噓烟吹露筆底幾番描
染櫻桃厨近柳絮簾清
合配嫩茶輕點寫盡江南好春相對徘徊
徘徊教纖怨付紫雲唱罷依約臉霞如見

玫瑰花一
名徘徊花

水龍吟

杜鵑花

是花畢竟非花
涓涓淚浸三更月
梨雲散盡東風無主
暗飄寒血草碧同愁
篋斑比怨古懷難說
待絃翻蜀國
喚回遙夢燈簾外
時明滅
曾託春心萬疊
怕春歸又隨春歇
沉沉黯黯亂山紅
處悄迷孤蝶
躑躅因誰
淒涼念汝未消
幽魄早啼殘
謝豹簷逢越女
趁清明節

憶故人

湖上觀荷

一片清涼萬荷壓水青無縫白鷗迎出第三橋去就花間夢
暗裏但憐香重怕催歸歌聲倥傯鬧紅單舸泣碧全湖夕陽休
送

雨中花

澄懷園雨中觀荷

一霎鬧紅喧不了早身被冷香圍繞幾日承薰今番賜沐寵遇
應少移動珮環聲悄悄漸萬柄颭風尤好潑水涼生浮烟
碧極已有斜陽照

水龍吟

白蓮

水香何處尋來一痕澹月微茫墜亭亭瘦影銖衣暗曳鉛華淨
洗小立烟迷相思露濕滿湖涼意漸寒芳人到菱歌唱罷渾不

信明璫倚 掩映銀塘十里倩西風綠羅扶起秋添水外惱人
輕誤看花如水素藕思儂苦心憐子聚成清淚任雪鷗選夢夢
回何在在行雲裏

臨江仙

紅橋道中賦枯荷

一片斜陽路碧雲老去寒滿荒波畫橋外無人唱到蓮歌消磨
歎西風緊和紈扇卸了青羅思量著儘翠軟丁倒鴛夢如何
嗟嗟無人古岸飛雨一霎潛過怕秋絲催老已自無多尋麼向
空烟裏憑收拾去補漁簑開霜鏡漸珮環零落還照山蛾

滿江紅

荷錢

喚汝錢錢經多少波掀浪簸纔選出勻圓萬箇藕心堪賽背面

縱橫紅字篆中央
滉漾青銅海
但佔量付與摸魚兒
陂塘買團團鑄斜陽內
零星簸東風外
更年年勾引許多吟債
花有定評君子貴地無私貨
廉泉大待明朝一滴也甜時珠擎蓋

沁園春

碧筩

一舸搖紅唱荷葉杯
臣請中之認飄蕭塵尾
捉惟長柄彎環象鼻
飲卽深卮
味苦心參波涼舌卷
想像金莖露下時
眞佳酌早和香醞釀沁入詩脾
斯時百罰奚辭
況孔瀉玲瓏清更宜似糟林
醉出細跳踈雨玉壺買處
斜颭青旗袖
捧風前盤擎月下
縹碧還疑哥汝
薺衣堪製定酒痕常在
莫訝淋漓

簇水

菱花

攔住疎香一繩界處荒波窄暝烟低護淬鏡面圓紋平帖漸帶
夜深風露淡浸全湖白尋夢去誤了幽蝶蕩短楫記聽到越
歌唱罷又隔浦吳歌接茗溪宛在畫十二羅裙摺似妬纖趺紅
透漲滿深深葉憑偷覷孤鷺涼肩側

水龍吟

漳蘭

海天萬里清秋一帆吹入騷人夢蠻烟乍洗嶺雲未卸江南新
種去細襯苔衣嫩澆茶乳消炎清供向黃磁斗裏護花翦葉冰
心在涼浮動辛苦年年培壅劬春芽帶泥分送姿生韻外香
畱笑裏故人情重榕驛光陰荔鄉滋味漫催塵鞢寄相思異地
滿空風露聽瑤琴弄

賣花聲

題羅兩峯仿馬湘蘭畫蘭

烟雨滿汀洲香草誰收殘煤替寫秣陵秋馬四娘家何處是金粉添愁名士在揚州也擅風流可憐辛苦學雙鉤名署花之花尚在白了僧頭

兩峯自號花之寺僧

水龍吟

珠蘭

麝塵冉冉新秋散來十斛量珠手蟬紗靜掩蠻絲細裊幾分香逗蜂冷吹黃鮫愁灑碧露華低綴伴闌干眉月乍濃還淡涼波浸疑無有道是含苞未透到開時疎痕依舊搖花瑟瑟曾無花意自成清瘦茗片回甘爐熏送煖一般消受愛晚簾翦去釵頭影共明璫溜

國香慢

紅蕙爲袁綬階廷構賦

空谷苔荒歎樹來百晦都染烟霜誰經莫釐峯下重訪遺香漫
道施朱太艷怕瑤佩冷了瀟湘相思見顏色點染微波暈入斜
陽素心依舊好更丹誠輸與箇裏春長珊瑚堪架何日彩華
分將不是胭脂爭買賺時眼賞到幽芳騷人賦新就一朵紉來
雲想衣裳

秋霽

牽牛花

深淺浮涼看裊向筠枝秀蔓凌亂烟洗輕綃露分宿淚尙帶弄
梭幽怨晚陰庭院料應識得黃姑面月影轉時有唾花吹碧玉
壺濺還又小步緩緩逐流螢悄來花間風葉交顫盼玲瓏疎籬
曉色銀河清淺尙情戀休悵午晴容易捲愛短橋外只是滴翠

搖青聽延秋紡一蛩吟遠

思佳客

湖上看桂

黃雪空山容易催訪秋趁曉踏蒼苔露無聲墜花先濕風在空
行香已來仙路引梵宮開廣寒無此好樓臺闌干多是前人
倚金粉斜陽看幾回

念奴嬌

庭桂方盛冷雨連宵黃雪霏霏零落可念

作去成淒楚正小山詞客初歸吟舸夢裏亭亭丹白想又被簷
聲驚破糝入苔根飛和露脚金粉闌邊浣前身月裏一眉愁被
烟鎖勞伊招隱篇成扶疎樹底那得幽人坐涼霰滿庭秋又
老巖有白雲畱我洗殘延遲翦燈聽早漫數張家課

張約齋桂隱百
課見武林舊事

禪機應省木樨香已吹過

疎影

都下菊花以憫忠寺爲勝余購得數十本雜置几案間
依燈就月光景徘徊詞以賞之

疎香暗逗向袈裟初地粧點重九分到紋牕小隱紗厨消盡尋
常黃酒伴我無絃琴趣外淡極問誰能偶任帽簷側處斜簪獨
向西風搔首休悵故園千里但相對持螯風趣還又淺醉膏
騰臥看涼花欲與南山爭秀么蟾送影渾如畫畫不就滿屏秋
瘦待下簾重覓冰梭還待翦燈時候

浣溪紗

湖上看芙蓉

粉本黃筌活脫描西風占斷好溪橋驚鷺香裏一肩翹
冷艷

不禁窺水瘦醉痕生怕受霜消夕陽采采趁歸橈

花心動

蠟梅

風雪殘年望江南飛來麴塵如此月上淡黃斜壓苔枝只辨幾
分香意故山無處尋么鳳更休認繁珠會綴但爭得藏嬌屋住
夢雲飛墜總是檀心蜜蒂偏梵磬圓時小唇堪比烟暈水邊
酒暈燈邊過了晚寒天氣壽陽粧儘翻宮樣料應悟橫陳滋味
待涼雨梅丸熟時試比

一枝春

野花和味莊

白白紅紅道憐伊怎莫喚伊名字拖筇繫榜看遍夕陽村裏蓬
茅夢冷歎一樣美人身世多謝是蜂蝶頻來畫出幾叢憔悴

閒隨綠蕪青薺算年年開落都饒生意朱欄繡檻怕也綠陰能
替柴門笑語任村女亂簪高髻還勝似唱賣春風半肩巷尾

臺城路

花魂次汪劍潭

端光韻

曉雲不鎖晴紅夢飛飛綠陰濃處小佳畱香幽尋入幻一片潛
迷苔廡東風激楚漸酒醒羅浮微聞膩語薄命因緣者番寒食
問誰主空階時更凝佇縱相思覓著難共春訴恨斷烟中情
銷雨外誤汝休嫌萍絮韶光老去料飄泊生涯分歸塵土明月
何來那人深院宇

又

前題

是誰露葉風枝外和香喚回吟紙影弱旋離情濃未醒蹴起烏

衣雙尾芳華捻指笑欲去還招枉勞癡婢化作巫雲前身都聽
逐流水 相思翻自此始算樓頭陌上來往堪擬十尺朱旛幾
分斜照倩女同盟生死傷心句裏道蛻盡臙脂怎拋青子雨黑
燈昏杜鵑啼未止

又

前題

游仙去去尋蝴蝶相逢共談離索悟徹塵根拋除宿蒂一任花
開花落三生舊約漸杳雨都消梨雲安著色相先空肯沾泥水
被禪縛 餘寒偏又漠漠歎光陰可戀春也非昨碧落何期紅
顏此度問到情波難泊燒燈小閣照殘睡沉沉算伊棲託灰盡
緋衫夢香畱枕角

又

前題

幾番惆悵檀房別回頭露華零亂酒冷澆遲苔荒塢早暗被游
絲牽斷粧餘半面甚聽了金鈴又添嬌顫昨夜天涯黯然水驛
與山縣良時休付浩歎尙情難割處香影縈絆霧裏迷藏風
前捉搦春色畱伊嘗徧紅愁碧怨賸一縷靈緣畫圖重見環珮
誰聞滿天飛雨片

長亭怨慢

寒鴉

問何事鴉兒鴉女撲雪偎烟冷喧高樹踏遍枯枝半林殘葉墜
如雨翠鬟勻染看陣陣和雲去日影滿昭陽怎不怕玉顏相妒
旋住繞叢祠軋軋亂著墨痕無數荒陂野水只寒月照伊棲
處記破曉幾點蒼茫倩誰寫蒼山行旅偏醒枕愁聽啼徹紋窗

難曙

解連環

孤雁

斷烟零雨寫離情一點影沉天宇漸晚來燈暗長門和落葉荒涼悄移柔艣覓覓尋尋念昨夜蘆花深處嘆關山路杳剗地風吹頓折箏柱蕭條獨依遠渚正背壓吳霜欲飛還住聽幾番喚弟呼奴憐千里相思夢醒無據爪印年年料不是雪泥畱住到歸時雲水蒼茫者情更苦

逍遙樂

鷺

遙趁柳花波軟蛻出新黃惟有酒人堪伴浴浦離雛舞日翩翾獨倚欄干頻翫一痕雲浣怕丹青欠寫茴香易迷溪絹合讓與

山陰妙墨先換 爭得么荷新展鏡中偷來側眼前村漸斜照
芳草外更相見清饒笑太守紅掌兩雙空羨還愁雪翎摧易涼
生秋扇

百字令

鴨

桃花開了漸春江煖處饒伊先覺綠染千頭渾不辨透出幾重
晶箔呷呷呼名呷呷逐隊小占烟波樂闌干放鬪竹枝弓且休
拓空記浴罷蘭湯紅裙笑裏誰踐年時約夕照柴門歸陣晚
水口一篙斜掠繡引灘長睡支爐穩脉脉平生託僧廊黃靠幾
株還認卑脚

臺城路

駱駝

休猜馬背如何腫形容似渠堪數老衲參禪野人種樹更有零
丁尋父涼沙過雨看五五三三柳陰閒住古錦模糊放晴天氣
夕陽度 聲聲吹動戍笛惹酸嘶暗答關塞催暮軟步蹢躅奇
峯突兀人影閃來高處黃金鑄汝待酒熟蒲桃一尊濃貯醉捻
鞭絲夜深馱夢去

雪獅兒

曝書亭集中有雪獅兒貓詞三闋蓋和華亭錢葆劼作
也吾杭樊榭尺鳧兩先生相繼有詠其擔撫也富矣暇
日戲仿其體復成四章凡諸家所有不引焉

女奴癡小看蜂蹴果東風時候相對瑤姬眼底金波微溜紅裙
綴香悄避入畫裙前後生怕是辛苦三眠蠶簾旛守 但要獅
毛長就傍臨安朱戶那愁消瘦醉醒瞢騰約畧香生纖口花陰

坐久怕損了沾階苔繡娛永晝結伴鄰家閒走

采蘭雜志貓名女奴書畫見明錄明宣宗宮中

團扇七言詩三落果三貓看蟬與物理小識猶自番來者有金眼銀眼有一金一銀者曾幾
二語詩三落果三貓看蟬與物理小識猶自番來者有金眼銀眼有一金一銀者曾幾
詩村人舊猶以鼠說之蟲滿庭陰院醉斜陽任鈐詩睡損苔斑日影移相貓法
美特以貴愛起于詩口角風來薄荷香綠陰庭院醉斜陽任鈐詩睡損苔斑日影移相貓法
鄉長黃

又

前題

宛然飛白荷塘浴後輕衣雪沆穩臥斜陽莫道真如我嬾雲鄉

夢轉嘆一枕游仙都幻憑風雨化龍歸去肯隨雞犬 翻笑江

心紙翦甚金山繞去更增雄健卜日攜來贏得頭銜先換銅花

祕玩料慣惹無魚嬌怨重相見待報杏林春宴

書畫見聞錄高蔚生燕下蹲貓圖蕉菜色餘皆

水畫猶飛白野雞六月六日婦女皆以是日沐髮至于猫犬之屬亦俾浴于河解縉題宋徽
宗畫詩仙錄從教滿石床花陰睡覺起雲鄉稽神錄唐道襲家夏日大雨其所蓄貓戲水於
簾下忽爾雷電化為龍而去元好問仙猫洞詩同向仙家舐丹鼎不隨雞犬上青天鳥獸續

考北人常云猫過金山則不捕鼠厭者翦一紙猫投水中則不忌程史市猫于鄰卜日而致之

詩麻偶單明大內猶犬皆有官名食俸在國雜志明內官家飼貓之器用上號銅質今宣爐內
有名猶食盒者是也猶黑客補屋驛鬼即自言其祖紀與族人同應進士舉其家眾妖競作家
有一貓其體如女坐除也同吾家自時皆為異不為異者惟
此獨耳於此猶忽人立拱手曰不敢燒大驚數日捷音至

又

前題

一扇香軟移來畫裏無多家具小樣麒麟對客幾番稱汝妝臺
慣住莫便把燕支勻注還畱待滴粉如霜寫他眉嫵除卻宣

和舊帶笑外閒依樣幾人堪數兩點危星空照安身高樹清琴

罷鼓問卷軸倩誰半護聽兒女布被蒙頭學取

劉後村跋楊通老移居圖一童子肩貓麒麟貓

詩林奇逸佳話詩類然劉客但獨猶在園雜志猶有染色大紅者耳談嘉靖中禁中有猶微
青色者雙雙置畫案上意名曰兩層後死破葵萬歲山陰碑曰乳龍家古謠依樣畫猶兒蘇
文忠謂猶自題云曰傳危危日書猶能辟鼠湖湘野錄真淨和尚風穴頌曰五白猶兒爪距獐
養來堂上雙行分明上閣安身法切莫謂言許外甥孔叢子孔子鼓琴閑子間有山麋之聲
曰角猶兒是孔子曰是也見錄方捕鼠欲其得之故為之音也蔡天啟之貓詩猶儒
生計重黃卷之取衙門為護持襲謗似鼠詩幾兒計拙真可笑布被蒙頭學猶叫

又

前題

問西來意蓮花世界同看經藏撒講僧歸細聽禪關敲響伊蒲
供養那用覓魚苗分餉憑飽去撩天四脚蒲萄茵上休弄紅
絲標杖便粉鼻呼來已空情障圓滿三生舊事廬州誰訪芙蓉
錦浪道只有好秋堪賞開菊釀重對綵糕無恙

黃山志貓石在蓮花河內與貓自西方來佛令

寺藏經者七條種藕杭州真如寺僧畜一貓每出誦經則以鎖匙付之及回時繫門貓乃銜匙出交主也鄭德源香山猶食粥詩料是伊蒲三昧燕不知繞膝訴無魚入蜀記過楊羅漢皆以魚欲覓小魚飼貓不可得元好問詩但教殺鼠如邱丁四脚撩天一任渠江南野史曹翰使江南推事嚴重後主無以爲計韓熙載乃使官妓徐翠筠爲民間裝飾紅絲標杖引弄花貓以訪之故翁集有粉鼻詩注貓名也後山叢談廣州有坐化貓畫諸勝品詩有芙蓉猶圓陸游詩絲貓糕上菊初黃

齊天樂

蟬

翠雲不鎖游仙夢年年蛻餘催喚露額垂綏冰鈿刻髻愛抱柳
枝微顫絲風送緩裊一縷殘聲又過鄰院不定驚魂惹教涼韻

指間換 深窗愁更落葉漸吟蛩暗替身世如幻碎雨槐邊頽
陽竹裏訴盡故宮幽怨秋陰滿苑便畫到銖衣也增淒惋似磬
飛來踏莎山寺晚

綺羅香

螢

纖尾拖黃輕翎搖綠晚涼人在庭院剗地風生颺出一痕如綫
漸星星豆葉籬根驀閃閃藕花池面明現恰更闌月黑涼燈新
翦 漢殿銅仙都換問影浣鉛波淒涼誰管照淚長門舊恨那
禁秋扇已分隨斷蘚零苔怎窺到相思紅篆撩亂賸繁華一夢
蕭蕭隋苑

齊天樂

蛙

緣陂紫遍荷花草爭跳活東無數絮影烟迷苔根水長欲問官
私難據喧呼聽汝乍闖荇翻萍釣船來路閣閣連宵黃梅時節
一燈雨 膨亨空負此腹想池塘鬪罷猶蓄餘怒兩部風行干
村月落莎際坐傳更鼓催耕又苦記稻葉涼邊吠聲如許瘦笑
詩人食單曾點否

蝶戀花

桂未谷

馥

屬題兩峯畫蝶

金粉六朝衣未褪春去春來只帶斜陽恨綠到淒迷寒恁忍落
花爭向裙腰認 借與麝煤添筆潤可似輕紈撲著和香印夢
裏江南歸定穩紫荷草長飛成陣

花心動

蜻蜓

溪外風輕移涼影一路斜陽遮黑點水有痕飲露無聲欸欸不
離香側折枝花底春能瘦描新樣淡金顏色問相戴飛來意穩
幾時會詞 釧後柔絲慣立任尾蘸萍根翠梢微濕還向鬢邊
一翦掠雲不怕袖羅承得並頭前夜銀釭話搖珠暈眼波同碧
尋莎岸重待暝愁細織

齊天樂

蟋蟀

蒼苔難洗年年怨宵來暗聞秋語古整梧桐女墻薜荔併作一
番淒楚疎風碎雨問芳草王孫總憐遲暮鬢影催寒幾絲愁到
舊機杼 呼燈頻向牖外正香生茉莉來按吟譜嶺亂荒烟堂
閒夕照花鳥西湖誰主欄干罷訴認菊葉垂邊夢搖涼露刀尺
聲遲夜深人意苦

又

絡緯

一聲響續線車發斜陽乍催秋晚豆架花垂瓜棚蔓絡風露憑
伊吟遍宵長韻短料織就情絲也應淒斷醒枕三更幾痕愁向
鬢邊換樓頭無限慘切惹流黃機上中婦頻嘆翠股敲烟涼
鬚曳雨忍道深閨都嬾餘音乍轉似說與風詩綠衣幽怨譜入
哀絃夜闌燈更翦

桂枝香

銀魚

芹芽新長乍密密疎疎來乘春漲難避千絲細雜落花粘網天
然二寸輕跳雪正斜風亂鳴漁榜倩描粉本點睛堪認者般纖
樣只合作針芒想像笑稚子敲餘空釣寒浪雨後烟邊誰向

舵樓分餉水晶名字須鹽配最相思櫻桃湖上夕陽曬徧和羹
滋味夢回吳檠

吳檠湖一名櫻桃湖

又

蟹

空江月黑訝譜到爬沙玉絲淒急冷入漁汀帶露幾燈紅滴吳
淞一幅描難就暗招來落潮風色更無人處銜蘆索索亂搖涼
雪早催動西風信息惹多少相思無腸貯得悵望樹頭纖爪
故人新別尊前皂莢閒風味最難忘踏燈時節買春重醉江湖
舊譜老饕能說

惜黃花

看燈蟹

秋燈會照瘦扶寒夢訝相逢又春風賞燈筵早酒外擘香膾樣

比金錢小問買夜何人籠到 橙齋徐搗糟邱堪老縱無腸也
難忘泖湖香稻元夜雪深深預報豐登好聽一曲爬沙新調

桂枝香

蛤蜊

西風野水送一羣田雀都消纖氈影落斜陽占了鱸鄉十里鬲
泥人在涼烟外帶青萍兩竿收起連天菰葉橫塘舊路夢回重
記 記曾識蟾兒滋味但解得清饒不知許事恰聽隔墻低喚
賣來江市青帘有約春宵話試微鮮最宜殘醉嫩黃新漉酒燈
上候價休嫌貴

有正味齋詞集卷八目錄

錢塘 吳錫麒 聖徵

鐵撥餘音

滿江紅

渡黃河

思佳客

涿州

金縷曲

虎邱

滿江紅

五人墓

前調

姑蘇平日

揚州慢

廣陵懷古

滿江紅

題羅兩峯鬼趣圖二首

蝶戀花

題盧竹園小照

賀新涼

中元節觀盂蘭盆會作

齊天樂

題施綸堂侍御豆棚閒話圖

前調

再題紅衣釣師圖

金縷曲

題蔣心餘先生臨川夢院本

前調

同沈梅村夜飲感懷胡竹城

滿江紅

同人步出郭外飲村舍而歸

水調歌頭

滹沱河

南鄉子

桃源

滿江紅

乙巳暮春重過揚州作

摸魚兒

不到西湖八年矣山水相逢彌增感慨醉歌此曲以寫余懷

賀新涼

揚子江阻風

百字謠

陳伯恭同年屬題迎陵先生填詞圖

滿江紅

朱春橋舊有觀演邯鄲夢詞一闕今刻在小長蘆漁唱中余在都下偶閱是劇即用其調賦寄春橋

前調

題畫

金縷曲

湯丈視雨歿五年矣令嗣時梅檢遺墨中得枯樹一瘡尚未斂染屬陳熙望表叔以雪景補之余述此調

前調

沈梅村洗硯圖

百字謠

夜宿清河大風

過秦樓

懷柔道中

無悶

出古北口

珍珠簾

澤河大雪

瑞鶴仙

羅漢峯

尉遲杯

月夜同米芝山飲郭參軍宅

送入我門來

戊申除夕

滿江紅

觀射

前調

河春渚以書來問近狀賦此答之

百字令

登天津望海樓

滿江紅

長田村觀蠶花戲

沁園春

題查爾圖同年月影扇頭

水調歌頭

題友人學稼圖

瑞鶴仙

七夕

賀新涼

五十生日有感

前調

題家山尊孝廉南樓却扇圖卽送其之山左

大江東去

西湖蘇公祠落成同人分體賦詩余用公舊韻謹此

賀新涼

題譚子受吹簫乞食圖

壺中天

題舍弟錫麟石門聽瀑圖

金縷曲

張東畬以二端溪硯贈范支山同年并繪贈硯圖以紀其事今東畬歿矣支山讀畫懷人有感今昔索余爲此詞以述之余將北行自顧生平不能視耕以老儼駈奔走悵悵於懷也

五福降中天

查蘭園夙壯神悅以承慶國屬題戲爲拈此

金縷曲

題楊米人通守觀津祈雨圖

前調

翁覃溪前輩蔡文信國與吳架閣三札架問查孫蘭雪孝廉屬題

前調

方正學先生畫松今在胡雪樵水部處

前調

高忠憲公畫像

沁園春

萬廉山明府年十五時曾乞羅兩峯爲畫請纓圖今幾二十載矣廉山王子領鄉薦兩上春宮不第入楚從軍頗著奇績留部平以議敘得官縣令壬戌春遇吳下酒酣話舊感慨及之易爲題此

有正味齋詞集卷八

錢塘 吳錫麒 聖徵

鐵撥餘音

滿江紅

渡黃河

滾滾黃河繞底柱一支而入經千古龍愁鼉憤可憐陳迹鐵券
鑄成如帶誓金隄費盡防秋策讓君平縹緲說神仙支機石
心與腹投醪結清與濁投膠別喜波瀾不起桃花春色一片健
帆香象渡中間圓溜神魚折供書生五斗坐船頭蒲萄碧

思佳客

涿州

麥郢茸茸綠未齊田家二月放春時十郎冢畔鳴腰鼓三義祠

邊唱竹枝 寒脫樹雪融泥晚來晴色鳳池西么蟾瘦到難描
處也學文殊淺淺眉

金縷曲

虎邱

虎氣潛珠阜贖千年槎枒石骨踞風而吼其下縱橫森積鐵一
劍蛟龍欲鬪待說與興亡時候畢竟青山誰是主只宮花苑鹿
分先後歌白紵試回首 至今喚作繁華數有幾處紅船弄水
薰蛾傳酒三尺斜碑殘照落搖到真娘墓口看芳草羅裙依舊
風雨黃昏山鬼泣苦秋聲先撼梧桐瘦西子恨更添否

滿江紅

五人墓

聽白楊風似當日市中呼嘯灑不盡滿腔熱血亂生碧草殺魄

英英三代直鼠聲喑喑羣奴小響寒沙博浪一椎鳴全秦埽
委鬼也冰山倒茄花也秋風槁望白蓮涇畔听然而笑屠者共
尋朱亥里義聲不讓田橫島感行人四字耀豐碑斜陽照

周忠介
墳在白

蓮涇距
墓六里

又

姑蘇午日

佩艾簪蒲笑兒女者番奇服費多少同心綰結命何能續往事
總如炊黍過今人那不離騷讀只年年風景數端陽傾醅醉
嚴陵會江亭築長安節蘭湯浴又金閭勝地旌旗照目臺上不
逢麋鹿走波心但見魚龍逐嘆招魂無分到靈胥驚潮蹴

揚州慢

廣陵懷古

銅輦秋衾錦帆春水可憐幾日繁華送斜陽一片直到玉鉤斜
竟圓合雷塘舊夢兩家山鬼同話天涯惹些些碎碎涼螢來認
衣紗 李花又落況楊花飄泊誰嗟料種不成陰吹原是絮愁
見瓊花早識安公子曲亡國恨恁到琵琶賸隄前老樹都應啼
煞棲鴉

滿江紅

題羅雨峯聘鬼趣圖

索索而來驀吹得燈光如豆應怪爾青紅塗抹鬼都生肘滿載
一車藍縷選空餘兩隻錢刀手捲陰山幾陣紙灰風無生有
書生狀騎狸走女郎態描蛾瘦數美人名士幾堪回首地獄本
來隨相變面皮尚記觀河鰲有十方香米飽伊無中元候

又

前題

跂脚蒙頭是五趣中間來者但散入閻浮提裏那分高下結柳
會勞韓子送移書屢被東方罵奈今番咄咄逼人何兒童怕
青荷傘肩頭亞白楊火風中爇又零丁帖子招魂纔罷枯腊難
充黃父飯長身逃得鍾葵鮓被先生碧眼一雙圓淋漓寫

蝶戀花

題盧竹圃

漢小照

赤日此中渾不漏跣足科頭獨坐宜清晝俗已全無肥則否花
豬頓頓須醫瘦太歲明年聞遇酉預卜豐年長養琅玕就拓
取侯封千戶舊一尊來乞平安酒

賀新涼

中元節觀盂蘭盆會作

舊帽金花帖掣圓鈴郎當而語滿街明月大會無遮今夕好點
點明燈欲滴更唱出酸文嗚咽故鬼漫驚新鬼大捲紙灰和影
如蝴蝶人世夢共淒絕西風纔過穿針節記中庭冰瓜雪藕
夜分會設人哭人歌逢此月忙殺生離死別漸陣陣新涼侵骨
燐火一場僧去早臘波心獼傘沈荷葉功德水似烟滅

齊天樂

題施耦堂侍御

學濂

豆棚閒話圖

有耕而釣而樵者先生自居爲圃大扇寬鞋科頭袒臂招集閒
鷗三五花今樹古總攔入吾廬一棚風露豆莢纔肥薦新隨意
井華煮其中或吟或謔或酸然說鬼颯然談虎一半兒歌三
家村語更雜琵琶盲女相忘爾汝任衣絡青蟲夜涼如雨有約
休歸待歸須夜午

又

再題紅衣釣師圖

緋衣算是人間貴誰能貴于漁子風月無邊江山自在笑盡尋
常朱紫閒情料理且大酒肥魚煮來船尾身似楓人一秋常傍
夕陽醉 珊瑚竿也慣把也會踏金鰲曾跨紅鯉鏡冷芙蓉船
停罷畫不道老之將至殘霞樹底看孤鶩飛飛與盟流水悔殺
蘆花白頭烟雨裏

金縷曲

題蔣心餘先生臨川夢院本

萬事飄如絮驀吹來先生筆底夢都堪據不怕殘鐘輕打破機
上穿成縷縷莫認作荒唐雲雨一段因緣文字起續離騷半部
精魂語真共幻論千古 宛然玉茗花前句試喚起臨川點拍

也應心許三十種眠全解脫纔識菩提覺路引蝴蝶翩翩而舞
世上儘饒軒睡漢問何人許入梨園譜纔讀罷夜三鼓

又

同沈梅村夜飲感懷胡竹城應煌

十斛梨花凍道今朝燒燈捉醉飲真須痛獨出蒙輪當一隊不
怕鄒和魯聞忽聽到柝聲淒動落葉滿窗斜月黑有故人吹入
天涯夢浮大白舊曾共幾年慘抱西州痛尚孤負杜鵑寒食
紙錢相送數到習家池上客中壽爾偏木拱莫化了陶家新甕
酒醒兩人同不寐恨白楊窗外誰家種風颯颯答愁諷

滿江紅

同人步出郭外飲村舍而歸

子好游乎吾與子且言游意念策牡乘堅而出何如芒履背負

大瓢欲啗遍路穿方罫看田戲有野雲一片就鷗眠呼之起
西風冷斜陽霽二分屋三分水見一竿斜插青旗無字楓在紅
衣圖裏染酒從黃葉聲中遞算甕頭臥去有人扶何妨醉

水調歌頭

滹沱河

春草一亭綠麥飯幾家烟人渡滹沱河口去去夕陽船往日事
傳銅馬今日沙埋鐵鏃浪捲沫花圓古廟亂鴉語大樹憶何年
宛城走雲臺築赤符延有箇故人天際作壻傍神仙不羨君
王九五不羨星辰四七高枕釣竿眠富貴等閒耳危度亦堪憐

後漢書光武所度
危度詞之危度口

南鄉子

桃源

雲捲一村晴芳草，裊腰畫不成。絃索吹來茅店裏，東丁小伎楊花唱好聽。春水夜來生，誤殺尋源艇子行。幾樹野桃開放了，清明閒看風鳶放出城。

滿江紅

乙巳暮春重過揚州作

十載樊川重問到揚州，風月有多少舊家燕子。可憐離別小海，唱來三月暮。大江東去，千秋咽，臘紛紛飛雪。滿蕪城楊花熱，愁未了，歌桃葉，夢未醒，尋蝴蝶。歎繁華自古供人，一瞥仙鶴零丁。游子在竹枝，縹緲餘聲歇。待髣髴絲禪榻話前因，茶烟活。

揚州竹枝詞董

某作人呼爲董竹枝

摸魚兒

不到西湖八年矣，山水相逢彌增感慨。醉歌此曲以寫

余懷

怪平生愁花愁鳥如何偏爾情戀爲戀水光山色好宛似故人
青眼柔艣喚早幾載相思撇向烟波遠前緣更踐合畫我三生
騎牛渡口丫髻一簑短閒情惹不少蘋花舊怨吹來還又尊
畔雲窗霧閣尋常夢說與白鷗都倦腸欲斷歎故侶山頭半結
棠梨伴西風又晚漸門近錢塘背馱紅日歸路踏莎懶

賀新涼

揚子江阻風

塔上鈴何語颭簷端聲聲唱出公平無渡今日孟婆能合皂截
斷中流萬艣只一派浪花掀舞辛苦江豚招且拜料我生鷁退
寧關汝船尾坐酒堪煮矯然白鷺翻濤起看星星飛來碎沫
滿身如雨莫是三山仙客會搬演魚龍舊譜定笑我茫茫羈旅

那得使船如使馬算不如竟打回帆鼓風且息勸君住

百字謠

陳伯恭同年

崇本

屬題迦陵先生填詞圖

公眞健者記昔日詞壇交推青兕醇酒婦人供跌宕學得信陵
生計筆秃枯毫衫橫老淚誰曉琵琶意功名五十馬周頭早白
矣嘯向玉宇瓊樓欲乘風去只有髯蘇比一百年來朋輩盡
今日玉梅花底井水依然旗亭故在莫說先生死安排鐵笛玉
龍夜半催起

滿江紅

朱春橋

方謫

舊有觀演邯鄲夢詞一闕今刻在小長蘆

漁唱中余在都下偶閱是劇卽用其調賦寄春橋

過眼曹騰纔信了當場顛倒悔輕被文人提破天工應惱冠帶

一番烏髻弄箏琶幾曲華胥調比長房藥市興如何壺中跳
榮辱事難憑料烟雲意誰分曉走邯鄲道也故人不少人哭人
歌傳舍換夢來夢去神仙老問與君此段甚因緣拈毫笑

又

題畫

一片清秋也不出倪黃家法只寫得縣縣渺渺丹黃叢雜近水
人家苔氣入倚天峯影磬頭插聽前溪如有葉聲來樵人踏
林簇簇炊烟合波淼淼蘆花夾置余身此地水雲堪狎老樹西
風揩癢馬荒陂斜照呼雛鴨問抱琴人出恁忘歸柴門闔

金縷曲

楊丈硯雨歿五年矣令嗣蒔梅

世鯨

撿遺墨中得枯樹

一幀尚未皴染屬陳熙臺表叔

世鯨

以雪景補之余述

此詞

草滿黃墟矣歎幾年蕭蕭槭槭樹猶如此寒透鴉心飛不去凍
冱一池墨水誰解把梨雲喚起五度春風難得見算先生白鳳
歸來耳烏帽影暮烟裏探梅重說臯亭事也只是迷迷一片
月明人醉今日替君重著筆捲得珠殘玉碎早莫辨野橋山寺
蠅爪數行埋未盡剩詩人驢背經營意持示我灑清淚

又

題沈梅村洗硯圖

一片無情石慣磨人腸枯骨削直教頭白笑破雙雙鸛鵒眼終
日雲烟狼籍我欲就種花人說筆底烟雲驅策慣洗瘡痍又要
波千尺憑此硯灑膏澤功名試數甘棠跡已不負龍泓老友
卅年相識稚女嬌兒拈筆弄也學阿爺此癖且莫問何時拋得

縱待他年婚嫁了更買田須畫林泉策千古事寸心積

百字謠

夜宿清河大風

飛空萬鏃射林間怪石吼聲如虎野店天寒窗紙裂落葉繞燈
而舞驚策歌酸琵琶調啞月黑高高樹龍愁鼉噴塞沙吹灑腥
雨那管喚弟呼奴白狼河畔征雁回翔苦和我雄心齊捲去
撼折當年銅柱馬斃枯其狐嗥破壁夢逐荒城鼓喧魑耳後不
知馳獵何處

過秦樓

懷柔道中

撲面風尖壓裝雲重一騎鞭絲孤裊笳悲塞苦笛怨邊寒白盡
滿天沙草爲問廢壘前朝蒼莽空山有誰憑弔羨太平圖畫橫

騎牛背牧兒閒好 休更數敕勒歌豪尉遲杯滿無限古人懷
抱荆卿畫地鄒子談天都係者邊斜照誰道今日可憐城角黃
昏鴉鴉吹到且尋余宿處前路犬聲如豹

懷柔燕之北境太子丹使荆軻獻地圖卽此黍谷乃鄒衍吹律

無悶

出古北口

垂者雲耶立者鐵耶相對崢嶸萬古繞一髮中原自成門戶照
出牆邊冷月怕更向秦時從頭數斷鞭籠袖回身馬上但看來
路 行旅亂山去問酒肆誰家冒寒沽取任落葉呼風吼聲如
虎高歌出塞盡捲入丁丁琵琶語待射侶相約殘年爲道短衣
休誤

珍珠簾

灤河大雪

凝雲悄逼龍堆晚
釀尖風密灑銀沙凌亂
匹馬犯寒來詫一番
初見帳裏琵琶翻舊曲
滾不斷白翎天半堪翫
更塞樹無雲萬
花春捲當此縱飲須豪便
市高酒價貂裘能換曼衍戲魚龍
笑眼前都幻起躡松根尋虎跡
要血洗今朝腰間箭誰伴看莽
莽羣山碎瓊鋪滿

瑞鶴仙

羅漢峰

問科頭袒臂胡不肩短錫
不攜隻履津梁想疲矣只無聞無見
無嗔無喜西來萬里更甚時還證初地
看烟寒月黑空林虎嘯
懜懜如睡其下灤河暗繞疑是禪心
化成空水萬緣淨洗觀
餘面皺難記賸青蓮華在莊嚴多寶
白雲千丈湧起響天風咫尺

尺相對磬捶影裏

面對磬捶峯卽水經注所謂石挺也

尉遲杯

月夜同宋芝山飲郭參軍宅

招明月萬里外來就清光說人生見汝先愁只照年年離別今
宵對酒更塞上相逢恁愁豁喜參軍肯恕臣狂一場同舞回鶻
休道壘塊難消便壘塊消時已老豪傑故李將軍猶在否能
幾射青山石裂膽沙外千行冷雁空爪印長城古時雪惱醉來
如意提攜唾壺之口敲缺

送入我門來

戊申除夕

熱鬧椒盤轟騰羯鼓青氈坐得人孤短蠟多情也替淚模糊三
杯婪尾澆無益早鬱壘胸中成畫圖數人間苦樂危臺避債深

院呼盧 況有天涯二老兼之稚男碎女幾度思吾一段鄉愁
難入綵箋書爆竹誰家爭餞臘驀閃閃來燒心血枯更松明火
旺熬銀煎雪吹上頭顱

滿江紅

觀射

毛血縱橫記獵騎城南大會曾慣聽餓鴟聲叫仰頭雲外金僕
姑從天上落銅將軍向歌中賽嘆于今半是失弓人何其憊
舞蔗杖渾難再識丁字安能賣驀皮球響起故人宛在妙技爾
誇楊可中雄心我亦蒲之愛恍殘年射虎短衣行飛狐塞
又

何春渚

琪

以書來問近狀賦此荅之

再拜覆言謝足下加餐來教念近日閒身如竹平安堪報結淨

只貪鞦鐮供療飢不待軒光竈但黃昏洗足睡齁齁忘天曉
裁錦段無機巧持算子時顛倒任錢刀作橫我何須校肥瘦靜
看三蟲訟官私戲判羣蛙鬧但梅花種就我應歸期同調

百字令

登天津望海樓

青浮窮髮帶腥風蜚雨吹來寒色人傍闌干天半迴天外怒濤
如立鳥兔雙飛魚龍萬變混濛連朝夕誰乘高興蜃樓能倚吹
笛回望碣石蒼茫斷虹飲處一片光明滅萬頃瓊壺搖暗綠
金鵝壁來都裂魑魅猖狂馮夷鼓舞咄咄如相逼把杯遙酌佔
墻飛上蝴蝶

滿江紅

長田村觀蠶花戲

田野春閒誰試隨身竿木漸打徹聲聲腰鼓看場人簇大婦
慣爲鳥髻弄小姑纔過油花卜賽馬頭絃索一般清迎神曲
食幾葉紅蠶熟收幾箔銀絲足早郎當舞罷日斜茅屋圖畫宛
然田戲好流連那得秧歌續聽餘音縹緲竹枝遺波搖綠

沁園春

題查蘭圃同年

堂

月影扇頭

似此圓光非幻非真在水中乎記小時不識玉盤呼汝前身定
是碧落尋吾提處原空指來卽現盪入懷中成一珠渾相印道
扇圓如月月也人如 今宵伴我非孤且米汁相邀醉此壺漸
玲瓏悟境清涵竹柏分明毫相白遍江湖犀角窺穿兔毫吹起
勘破禪家三昧圖涼風早任一輪收去影也都無

水調歌頭

題友人學稼圖

江水聽吾語何事不歸田十雙須買陽羨等辦束裝錢且讀齊
民要術有日荷花紫草同坐夕陽邊去便耦耕去如願定何年
磨不瘦擔不怕荷鋤肩不如將就料理早向五湖烟有箇山
妻餉飯有箇稚兒叱犢儘勝客密眠讀畫忽長歎起立望青天

瑞鶴仙

七夕

問天天不語只情波脉脉盪搖今古星如渺何許道節是雙蓮
怎禁心苦回頭極浦算又過西風一度看樓前淺月深燈涼照
幾家兒女 延佇圓蛛網結靈鵲橋迷又催機杼零絲斷縷愁
無著夢無據甚一條銀漢清冷冷總是紅墻隔住怕來朝花
顛牽牛臘飄淚雨

賀新涼

五十生日有感

五十平頭矣，歎無端鬢毛點雪，飄蕭如此。歲歲文章稱供奉，那免葫蘆樣子。但瘦馬東華塵裏，賸有頭銜水。共冷笑，蠶眠圓嶠，何時起人轉羨處清祕。秋風正擬尋歸計，早幾日思親夢遠。白雲千里負米，尚知腰腳健。只要茅堂預置料，河渚經營猶易。種就梅花，還釀酒待他年，補作萊衣戲。增馬齒，祇慚耳。

又

題家山尊孝廉南樓却扇圖卽送其之山左

猜了春燈謎，袖香鞭東風送去。壻鄉千里，那道滑稽成故態。今日居然齊贅乍，一顧盈盈扇底多少五銖爭撒出笑相如賣賦。錢難比催綵筆句重試。關心偏是登科記，甚匆匆歡筵纔罷。

別筵還啟可奈杏花能冷落孤負呢喃燕子又打棹藕花風裏
且學畫眉時樣好料芙蓉鏡下終須第憑看取東方騎

大江東去

西湖蘇公祠落成同人分體賦詩余用公舊韻譜此

老髯仙去曾管領幾載西湖風物今日水仙王廟近遺句重尋
苔壁玉版禪清花豬味俊一錢澆涼雪陵嶒詩骨晚山能鬪雄
傑還憶晴雨昏朝淡粧濃抹裏笙歌催發萬頃葑雲迷舊夢
孤臙白鷗明滅回首蠻荒桺榔葉暗細路盤如髮瓊樓歸好羽
衣來弄秋月

賀新涼

題譚子受吹簫乞食圖

笑破風塵裏怎青衫者般藍縷也呼公子怒鐵一聲吹欲裂險

把酒龍興起道今古那非游戲酒肉朱門同一例到蟠間便短
英雄氣風颺去紙錢碎何妨跌宕吳門市又何妨歌姬院內
粉圍香倚招盡年來吾亦慣學得阿難生計只瘦骨錚錚如此
曲罷蒼涼能和汝儘蓮花唱落秋江水殘杯好且同醉

壺中天

題舍弟

錫麟

石門聽瀑圖

甚時醒耳歎身世多被箚毳催老爲覓西堂春草夢忽有清音
飛到細或蛇修大真鼉吼萬籟生苔竅雲驅霧捲海風移過三
島休論往日青田讀書臺上雷雨關懷抱知汝壯心渾不已
要共青山呼嘯九里松長三天竺近但喚歸來好幾間茅屋聽
秋同翦燈小

金縷曲

張東畬

應均

以二端溪硯贈范支山同年

來宗

并繪贈

硯圖以紀其事今東畬歿矣支山讀畫懷人有感今昔
索余爲此詞以述之余將北行自顧生平不能硯耕以
老飢驅奔走悵悵於懷也

來往成幽契寫蕭閒吟聲屋內屐聲林裏兩度紫雲煩剖贈穩
種書生活計把墨浪千層吹起氣合空山風雨急感精靈片石
照生元滴難盡蟾蜍淚憶君芸館翱翔地數三千翰林風月
露華涼洗十載歸耕瑤草長贏得良田如此嘆我亦風塵老矣
鵲鶴依稀冷眼笑書堆難覓青燈味飢驅去又千里

五福降中天

查蘭圃夙耽禪悅以家慶圖屬題戲爲拈此

共說無生話尋思是何因果竹報平安林茂堅固著得跏

跌人坐情緣勘破便何肉無妨周妻亦可活現如來拈花笑口
者般哆 逢場原是戲劇甚隨身竿木難道真箇跳出葫蘆打
開窠曰不怕毘嵐掀簸珠圍翠裏蕩一片香光此中畱我米汁
須分玉梅三九過

圖中多
畫梅花

金縷曲

題楊米人通守

珠和

觀津祈雨圖

王子旅歲補旱時米人攝武
邑軍聞衡水有之豐陽姓者能

祈雨因延之來於東郊設壇以几爲臺以席爲城臺凡十三級老農立其上焚香頂
禮米人率其同官都糧草履張宿于壇三日甘霖大沛米人因繪此圖而屬同人題
詠以紀
其事

豐几紛無數儼通天一臺高築上迷烟霧元武蒼涼旗十丈遮
得扶桑欲暮待海上招龍而語沸耳潮音驚夢醒探神珠齊向
喉中吐回翠色滿禾黍 由來感應誠堪據東先生請天三日
報之甘澍看到丹青先快意獵獵風頭起處便草木也知飛舞

尚有輕雷花外碾
饗豐年預打迎
神鼓真一卷活民譜

又

翁覃溪前輩

方綱

摹文信國與吳架閣三札架閣裔孫

蘭雪孝廉

嵩梁

屬題

高揭勤王幟
早當筵屏除
聲伎激昂而起
萬里風塵籌筆
驛佐者吾家義
士同閱盡艱難
時事白雁橫空
烽火急要先商
庚癸軍中謎祈
嘉納羽書遞
千秋不朽惟忠
義到今日蘭亭
摹本也含精氣
想見新田終老
日猶記咸淳甲
子只可惜黃冠
人死攜向青楓
根下讀惹西臺
如意齊敲碎分
明是幾行淚

又

方正學先生畫松今在胡雪蕉水部

永煥

處

一抹寒烟繞想搖毫寫成直幹上干雲表其下棱棱巉石倚莫

道青苔點少要瘦骨同撐孤峭此筆輪囷千古卓肯麻衣來草
新君詔聽謾謾怒濤歎張來素壁風生悄渾不許湘簾捲處
燕兒飛到回首金川門外路愁殺蒼龍夢杳臘幾樹之而鱗爪
一片臣心圖畫裏戀半邊月子陰陰照留正氣永宜寶

又

高忠愍公畫像

暗搢孤臣淚著青衫飄蕭一葉揭陽歸未偕大乾坤須擔負全
仗此心不死在忠孝兩端而已君子原無朋黨論汨清流都是
宵人起真脉絕國亡矣一生學問求其是想往日夕陽亭下
邪貪生計狐鼠縱橫吾不辱此志先盟白水賸千古虹蟠波際
遺疏何堪燈下讀哭靈均當作招魂紙瞻面目有生氣

沁園春

萬廉山明府

承紀

年十五時曾乞羅兩峰爲畫請纓圖

今幾二十載矣廉山壬子領鄉薦兩上春官不第入楚從軍頗著奇績蠻部平以議敘得官縣令壬戌春相遇吳下酒酣話舊感慨及之屬爲題此

是棄襦生是請纓人封侯也宜記寒營雪滿髑髏生擲大旗日落
落嚴樂狂吹名士風流健兒身手說與龍泉知不知吾猶羨羨
黃驄年少曲裏歌伊相思幾換年時算辛苦眞從賊裏歸看
斑斑劍上尙畱殘血鬚鬚領下已長新髭鼓角餘聲瘡痍舊痛
今日來牽花縣絲春風快聽白麟奇木行對

彤墀

有正味齋詞集卷八